

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, Vlada Tuzlanskog kantona na sjednici održanoj dana 05.11.2021. godine, d o n o s i

ZAKLJUČAK

Usvaja se Naredba Kriznog štaba Ministarstva zdravstva Tuzlanskog kantona predložena na sjednici održanoj dana 04.11.2021. godine, kako slijedi:

1. Dopušteno je okupljanje ljudi na određenom prostoru pod sljedećim uvjetima:
 - ne više od 30 ljudi u zatvorenom prostoru
 - ne više od 60 ljudi na otvorenom prostoru.Sva okupljanja unutar navedenih ograničenja moraju se odvijati u prostoru koji omogućava obavezni fizičku distancu od najmanje 2 metra između osoba.
2. Dopušteno je okupljanje ljudi na određenom prostoru pod sljedećim uvjetima:
 - ne više od 50 ljudi u zatvorenom prostoru
 - ne više od 100 ljudi na otvorenom prostoruuz uslov da prisutni imaju:
 - negativan antigenski ili PCR test, ne stariji od 48 sati, izdat od registrovane ustanove ili laboratorije ili
 - potvrdu o prebolovanom COVID-19, ne stariju od 6 mjeseci ili
 - potvrdu o završenom cijepljenju
3. Od tačke 1 i 2. ove Naredbe izuzimaju se osnovne i srednje škole, te visokoškolske ustanove, gdje dozvoljeni broj osoba koje istovremeno mogu boraviti u određenom prostoru ostaje 50 u zatvorenom i 100 na otvorenom.
4. U skladu sa Naredbom Kriznog štaba Ministarstva zdravstva F BiH dozvoljava se organiziranje i većih okupljanja, do maksimalno 150 osoba u zatvorenom i 300 osoba na otvorenom, pod uvjetom da veličina prostora omogućava provedbu higijensko-epidemioloških mjera.
Uvjet je da svi sudionici skupa imaju:
 - negativan antigenski ili PCR test, ne stariji od 48 sati, izdat od registrovane ustanove ili laboratorije, ili
 - potvrdu o prebolovanom COVID-19, ne stariju od 6 mjeseci ili
 - potvrdu o završenom cijepljenju.Za provođenje epidemioloških mjera i organizaciju skupa je odgovoran organizator skupa. Organizator skupa iz ove tačke dužan je prethodno pribaviti saglasnost od Kriznog štaba ministarstva zdravstva.
5. Ograničava se radno vrijeme do 21.00 h:
 - svim ugostiteljskim objektima za pripremanje i prodaju hrane i pića: restorana, pizzeria, slastičarni, ćevabdžinica, nargila barova, caffe i bistro barova, klubova, diskoteka, kazino, sportskih kladionica, rad kafića i restorana u sklopu benzinskih pumpi i sl. Ugostiteljski

objekti mogu vršiti samo dostavu hrane, što podrazumijeva da uposlenici mogu raditi, ali je zabranjeno služenje hrane i pića gostima u objektu.

- Tržnih-šoping centara, svih marketa, salonima namještaja, salonima keramike, salonima kupatilskog namještaja, trgovine odjećom i obućom, butici, prodavnice rasvjete, prodavnice u kojima se prodaju samo kozmetički proizvodi.

6. Ne ograničava se radno vrijeme trgovina osnovnim prehrambenim i drugim životno važnim artiklima (apoteke, benzinske pumpe, pekare, dragstori, šalterska prodaja hrane).
7. Zabranjuje se izvođenje muzike uživo u ugostiteljskim objektima.
8. Za nadzor nad provođenjem tačaka 5., 6. i 7. zadužuje se Uprava policije Tuzlanskog kantona.
9. Naređuje se obavezno nošenje zaštitnih maski preko usta i nosa za zaštitu respiratornog sistema u zatvorenom prostoru i uz poštivanje distance od minimalno 2 metra. Nalaže se obavezno nošenje maske i na otvorenom prostoru, ukoliko se ne može ostvariti distanca od 2 metra.
10. U veletrgovinama i supermarketima se ograničava broj kupaca prema sljedećim kriterijima:
 - definira se prostor od 10m² prodajnog objekta po potrošaču
 - bez obzira na veličinu prostora prodajnog objekta, nije dozvoljen boravak više od 400 potrošača.
11. Od svih poslovnih subjekata i drugih pravnih subjekata, koji tokom realizacije svojih aktivnosti podrazumjevaju istovremeni boravak većeg broja osoba u zatvorenom prostoru (tržni centri, trgovine, kina, prostorije javnih institucija, restorani, drugi ugostiteljski objekti, itd.) traži se prisustvo Covid redara na ulazu u objekte, koji bi vršili kontrolu sprovođenja važećih naredbi i preporuka.
12. Od Kantonalne uprave za inspekcijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se da, u skladu sa svojim nadležnostima, vrše pojačan nadzor u smislu kontrole poštovanja važećih epidemioloških mjera i donesenih naredbi.
13. Traži se od svih gradskih i opštinskih Kriznih štabova da pojačaju aktivnosti na sprovođenju važećih epidemioloških mjera, preporuka i naredbi u okviru lokalnih zajednica, te da o navedenom podnesu izvještaj Kriznom štabu Ministarstva zdravstva.
14. Krizni štab Ministarstva zdravstva smatra da se nastava na Univerzitetu u Tuzli i drugim visokoškolskim ustanovama, na fakultetima ili odsjecima gdje nije moguće striktno poštivanje važećih naredbi i preporuka nadležnih organa i institucija, može odvijati i na druge načine realizacije nastave osim klasičnog, a sve sa isključivim ciljem poštivanja važećih mjera i sprečavanja daljeg širenja oboljenja.
15. Ukoliko dođe do pogoršane epidemiološke situacije u nekoj od škola, nadležno Ministarstvo obrazovanja u saradnji sa direktorom škole, na osnovu zajedničke procjene, može donijeti odluku o vraćanju na online model nastave u nekom odjeljenju, razredu, ili kompletnoj školi.

16. Zabranjuje se organizacija svih vrsta izleta i ekskurzija u školama i fakultetima.
17. Zabranjuje se prisustvo roditelja/staratelja unutar svih predškolskih ustanova na području kantona, te se traži obavezna trijaža djece pri ulazu u iste u smislu postojanja simptoma oboljenja.
18. Traži se od građana Tuzlanskog kantona da, imajući u vidu da ogroman procenat hospitaliziranih pacijenata čine nevakcinisane osobe, u što većem broju pristupe vakcinaciji protiv Covid-19 infekcije.
19. Obustavlja se pružanje specijalističko-konsultativnih usluga na JZU UKC Tuzla, osim za onkološke pacijente i hitne slučajeve.
20. Izvođenje hladnog operativnog programa u općoj anesteziji u svim javnim i privatnim zdravstvenim ustanovama bolničkog nivoa na području Tuzlanskog kantona se reducira na 50%.
21. Traži se od JZU domova zdravlja na području Tuzlanskog kantona, da izvrše reorganizaciju i produže radno vrijeme COVID ambulanti, laboratorija i rendgen kabineta u skladu sa svojim kapacitetima i resursima.
22. Usvajaju se naredbe i preporuke Kriznog štaba Federalnog ministarstva zdravstva koje su na snazi u periodu važenja ove Naredbe, osim onih odredbi koje su obuhvaćene ovom Naredbom, te važe za područje Tuzlanskog kantona.
23. Ova Naredba se primjenjuje od 05.11.2021. godine, a važi do 19.11.2021. godine.
24. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

DOSTAVITI:

- 1 x Gradovi/Općine na području TK
- 1 x KUIP TK
- 1 x MUP TK
- 1 x Uprava policije TK
- 1 x JZU/PZU na području TK – sve
- 1 x Svim ministarstvima
- 1 x ZZO TK i ZZJZ TK
- 1 x Pedagoškom zavodu
- 1 x Svim obrazovnim ustanovama-Putem Ministarstva obrazovanja i nauke
- 1 x Sredstvima informisanja
- 1 x a/a



PREMIJER KANTONA

Kadrija Hodžić